



«Բյուջեներ քաղաքացիների համար» ծրագիր

Բյուջետային ոլորտի երիտասարդ մասնագետներին աշխատանքային հիմունքներով ՔՀԿ-ում/ԶԼՄ-ում ներգրավելու նպատակով ենթադրամաշնորհային հայտերի ներկայացման հրավեր ՔՀԿ-ների (ԶԼՄ-ների) համար

1. «Բյուջեներ քաղաքացիների համար» ծրագրի մասին

«Իրավաբանների հայկական ասոցիացիա» ՀԿ-ը՝ ղեկավար կազմակերպությունը, իր գործընկերներ՝ «Տնտեսական զարգացման և հետազոտությունների կենտրոն» ՀԿ-ի և «Ագորա Մենթոր Յուրոփ» չեխական ՀԿ-ի հետ համատեղ իրականացնում է «Բյուջեներ քաղաքացիների համար» ծրագիրը (այսուհետ՝ Ծրագիր)։

Ծրագիրը մեկնարկել է 2022 թվականի դեկտեմբերի 8-ին և ֆինանսավորվում է Եվրոպական միության կողմից։ Ծրագրի տևողությունը 48 ամիս է։ Ծրագրի **հիմնական նպատակն** է քաղաքացիական հասարակության մասնակցությամբ խթանել Հայաստանում ներառական և թափանցիկ բյուջետային գործընթացին։ **Ծրագրի առանձնահատուկ նպատակն** է՝ նպաստել պետական բյուջետային գործընթացներին քաղաքացիական հասարակության մասնակցության ուժեղացմանը։

2. Ծրագրի ենթադրամաշնորհային բաղադրիչի մասին

Ծրագրի շրջանակներում իրականացված ելակետային հետազոտության¹ արդյունքները փաստում են այն մասին, որ բյուջեի մոնիթորինգային գործընթացում հարցված ՔՀԿ-ների ընդամենը 20%-ն է վերահսկել բյուջեի կատարողականը, մինչդեռ 80%-ը բյուջեի մոնիթորինգ երբևէ չի իրականացրել։ Միևնույն ժամանակ իրականացված մոնիթորինգները հիմնականում եղել են ՏԻՄ մակարդակում։ Բյուջետային գործընթացում հայաստանյան ՔՀԿ-ների կողմից մոնիթորինգի իրականացման ցածր մակարդակը շեշտվել է նաև ճյուղային նախարարությունների ներկայացուցիչների կողմից։ Մասնակցության ցածր մակարդակը արձանագրվել է նաև Բաց բյուջեների հետազոտության շրջանակներում։ Մասնավորապես, ըստ Հայաստանի և այլ երկրների մասնակցության գնահատականի համեմատականի՝ Հայաստանը 2021 թվականին ստացել է 6 միավոր², իսկ 2023 թվականին՝ 11³։ Իհարկե, վերջին տարում ստացած միավորը թեև կրկնապատկվել է, սակայն բյուջետային գործընթացի մասնակցության

¹ <https://budgets.am/1162.html>

² <https://internationalbudget.org/open-budget-survey/country-results/2021/armenia>

³ <https://internationalbudget.org/sites/default/files/country-surveys-pdfs/2023/open-budget-survey-armenia-2023-en.pdf>

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

մակարդակը շարունակում է ցածր մնալ Հայաստանում՝ ի տարբերություն այլ երկրների (օրինակ՝ Վրաստանը 2021 և 2023 թթ. ստացել է 44 միավոր):

Ծրագրի շրջանակներում իրականացված ելակետային հետազոտության արդյունքներով նաև պարզ է դարձել, որ բյուջեի ոլորտում հիմնական հմտությունները, որոնք ՔՀԿ-ները ձգտում են բարելավել, դրանք բյուջեի վերլուծությունն է (83.8%) և բյուջեի տեղեկատվության հասանելիությունն ու օգտագործումը (82.5%), որին հաջորդում են մոնիթորինգը (73.8%) և շահերի պաշտպանությունը (71.3%): Հետազոտության շրջանակներում իրականացված ֆոկլուս խմբային քննարկումների ընթացքում մասնակիցների կողմից հնչեցրած առաջարկությունները վերաբերում էին վերլուծական հմտությունների, ինչպես նաև մոնիթորինգի և ջատագովության հմտությունների զարգացման անհրաժեշտությանը: Ինչ վերաբերում է պարզեցված բյուջեներին, ապա հարցման մասնակցած ՔՀԿ-ների ճնշող մեծամասնությունը (ավելի քան 90%) երբևէ չի մշակել պարզեցված բյուջե:

Հիմնվելով վերը նշված հետազոտության արդյունքում բացահայտված կարիքների վրա, նախորդող ամիսների ընթացքում ՔՀԿ-ների և ՁԼՄ-ների համար կազմակերպվել է բյուջետային ուսումնական ծրագրի (այսուհետ՝ Դասընթաց) երկու հոսք, որի հիմնական նպատակը հետազոտությամբ բացահայտված կարիքների հասցեագրումն էր: Կարիքների հասցեագրման նպատակով, ուսումնական թեմաները պատրաստել են Ծրագրի փորձագետները՝ դրանք մշակելով հնարավորինս հանրամատչելի, բովանդակային և հեշտ ընկալելի: Այս թեմաների վերաբերյալ մասնակիցները հնարավորություն են ստացել նաև առանձին հանդիպումներ ունենալ փորձագետների հետ, և ստանալ խորհրդատվություն և հավելյալ տեղեկություններ վերապատրաստման նյութերի և թեմաների վերաբերյալ:

Ի թիվս այլնի, ՔՀԿ-ները և ՁԼՄ-ները վերապատրաստվել են բյուջետային գործընթացում բյուջեի վերլուծության և մոնիթորինգի իրականացման վերաբերյալ տեսական և պրակտիկ թեմաներով, սովորել են պարզեցված բյուջեներ մշակելու առանձնահատկությունները, քաղաքացու բյուջեի կոնցեպտը: Զուգահեռաբար, նույն ուսումնական ծրագրով և մեթոդներով երկու հոսքով⁴ վերապատրաստվել են նաև երիտասարդ մասնագետներ: Առաջին հոսքի երիտասարդ մասնագետները 2024 թվականի նոյեմբեր ամսից աշխատանքի են անցնել մրցութային հիմունքներով առաջին փուլում ենթադրամաշնորհները հաղթած ՔՀԿ-ներում և ՁԼՄ-ներում⁵ և օգնում են նրանց իրականացնել բյուջեի վերլուծություն և մոնիթորինգ, մշակել են թիրախային ոլորտի պարզեցված բյուջեներ, ինչպես նաև թիրախային ուղղություններով (ոլորտներում) իրականացնելու են շահերի պաշտպանության քարտզարշավներ⁶: Սույն ենթադրամաշնորհի շրջանակներում տրամադրվելու է երիտասարդ մասնագետի մեկ տարվա աշխատավարձը՝ ՔՀԿ-ին/ՁԼՄ-ին համապատասխան ենթադրամաշնորհ տրամադրելու միջոցով:

ՔՀԿ-ներում/ՁԼՄ-ներում աշխատանքի անցնելու նպատակով, Ծրագիրը հիմնվելով «Բյուջեներ քաղաքացիների համար» ծրագրի շրջանակներում երիտասարդ մասնագետների բյուջետային գիտելիքների փոխանցմանն ուղղված ուսումնական ծրագրերի արդյունքների վրա, կազմում է 8

⁴ <https://budgets.am/1603.html> , <https://budgets.am/3296.html>

⁵ Սույն հայտարարության շրջանակներում նշված «ՔՀԿ-ներ» և «ՁԼՄ-ներ» հասկացությունների իմաստը ներկայացված է 5-րդ բաժնում, որը վերաբերում է Դիմորդներին/հայտատուներին:

⁶ Թիրախային ուղղություններով շահերի պաշտպանության քարտզարշավներ իրականացնելու նպատակով Ծրագրի շրջանակներում հայտարարվել է առանձին մրցույթ:

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

Երիտասարդ մասնագետների ցանկը և իր հայեցողությամբ որոշում է այն երիտասարդ մասնագետին, որը աշխատանքի է անցնելու ընտրված ՔՀԿ-ում/ԶԼՄ-ում:

Կարևոր է իմանալ, որ բյուջետային ոլորտի երիտասարդ մասնագետներին աշխատանքային հիմունքներով ՔՀԿ-ում/ԶԼՄ-ում ներգրավելու նպատակով ենթադրամաշնորհին դիմող ՔՀԿ-ը/ԶԼՄ-ը կարող է միաժամանակ դիմել նաև բյուջեի մոնիթորինգի և վերլուծության մշակելու նպատակով հայտարարված ենթադրամաշնորհների մրցույթին:

3. Ենթադրամաշնորհային ծրագրի նպատակը և նախընտրելի (թույլատրելի) գործողությունները

Ծրագրի այս փուլում հայտարարվում է **առաջին և երկրորդ Դասընթացները** հաջողությամբ անցած, Ծրագրի շրջանակներում բյուջեի մոնիթորինգի և վերլուծության նպատակով հայտարարված ենթադրամաշնորհային ծրագրերին դիմած ՔՀԿ-ներին և ԶԼՄ-ներին տրամադրվող երկրորդ ենթադրամաշնորհների մեկնարկը՝ բյուջետային ոլորտի երիտասարդ մասնագետներին աշխատանքային հիմունքներով ՔՀԿ-ում/ԶԼՄ-ում ներգրավելու նպատակով:

3.1. Ընդհանուր նպատակ.

Ծրագրի շրջանակներում բյուջեի մոնիթորինգի և վերլուծության մշակելու նպատակով հայտարարված ենթադրամաշնորհային ծրագրերին դիմած ՔՀԿ-ներում և ԶԼՄ-ներում առնվազն մեկ տարով աշխատանքի անցնելու միջոցով մասնագիտական⁷ օժանդակության տրամադրում ՔՀԿ-ներին/ԶԼՄ-ներին վերը նշված ենթադրամաշնորհային ծրագրերը իրականացնելու նպատակով:

Ընդհանուր նպատակներից է նաև թիրախային ոլորտների բյուջեի վերլուծությունը, մոնիթորինգը և բարելավումը, այդ թվում՝ թիրախային ոլորտների պարզեցված բյուջեների մշակումը, ինչպես նաև այդ գործընթացներում հանրային մասնակցության ապահովումը և հանրային ազդեցության մեծացումը:

3.2. Թիրախային ոլորտները և ոլորտային ուղղությունները

(1) Արդարադատություն, (2) կրթություն, (3) սոցիալական աջակցություն և (4) գյուղատնտեսություն:

Թիրախային ոլորտների ուղղությունները.

(1) Արդարադատություն

- a. Դատական և իրավական, ներառյալ՝ սնանկության, փաստաբանության, հաշտարարության, նոտարական գործունեության, քաղաքացիական կացության ակտերի պետական գրանցման, իրավաբանական անձանց պետական գրանցման և հաշվառման, անձնական տվյալների

⁷ Սույն հայտարարության իմաստով «մասնագիտական օժանդակություն» հասկացությունը ենթադրում է բյուջեի մոնիթորինգի և վերլուծության, թիրախային ուղղություններով (ոլորտներում) շահերի պաշտպանության քարոզարշավների իրականացման ուղղությամբ աշխատանքների կատարում:

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

պաշտպանության, իրավական փորձաքննության, միջազգային իրավական փոխօգնության համակարգեր,

- b. Մարդու իրավունքներ,
- c. Հակակոռուպցիոն,
- d. Ոստիկանություն և իրավապահ մարմիններ,
- e. Քրեակատարողական և պրոբացիայի համակարգ,
- f. Հարկադիր կատարումն ապահովող ծառայություն:

(2) Կրթություն

- a. Հանրակրթություն, ներառյալ՝ նախադպրոցական, տարրական, հիմնական, միջնակարգ,
- b. Մասնագիտական, ներառյալ՝ նախնական մասնագիտական (արհեստագործական), միջին մասնագիտական, բարձրագույն մասնագիտական, հետբուհական մասնագիտական:

(3) Սոցիալական աջակցություն

- a. Ինտեգրված սոցիալական ծառայություններ,
- b. Պետական կենսաթոշակային ապահովություն,
- c. Սոցիալական աջակցություն,
- d. Ինտեգրված սոցիալական ծառայություններ,
- e. Ժողովրդագրական պետական քաղաքականություն,
- f. Ընտանիքի, կանանց և երեխաների սոցիալական պաշտպանություն,
- g. Հաշմանդամություն ունեցող անձանց և տարեցների սոցիալական պաշտպանություն,
- h. Ապաստան ստացած փախստականների, տեղահանվածների, երկարաժամկետ միգրանտների և հարկադիր վերադարձող ՀՀ քաղաքացիների ինտեգրում կամ վերաինտեգրում:

(4) Գյուղատնտեսություն

- a. Բուսաբուծություն,
- b. Բուսասանիտարիա,
- c. Անասնաբուծության,
- d. Անասնաբուծություն,
- e. Գյուղատնտեսական մթերքի վերամշակում,
- f. Պարենային անվտանգություն,
- g. Սննդամթերքի անվտանգություն:

3.3. Ծրագրի շրջանակներում կարող են իրականացվել հետևյալ գործողությունները.

1. Հաղթող ճանաչված ՔՀԿ-ի/ԶԼՄ-ի և Ծրագրի կողմից տրամադրված երիտասարդ մասնագետի հետ կնքել առնվազն մեկ տարվա աշխատանքային պայմանագիր, նախատեսելով 213,750 (ներառյալ հարկերը և ՀՀ օրենսդրությամբ նախատեսված այլ

վճարումները) ՀՀ դրամ ամսական աշխատավարձ, շաբաթական մինչև 40 ժամ աշխատանքի տևողությամբ:

2. Աշխատանքային պայմանագրի շրջանակներում որպես աշխատանքային գործառույթներ նախատեսել այն գործողությունների իրականացումը, որոնք նախատեսված են բյուջեների վերլուծության և մոնիթորինգի իրականացման, այդ թվում՝ թիրախային ոլորտների պարզեցված բյուջեների մշակման նպատակով ներկայացված ծրագրային առաջարկով: Մյուս ամիսների համար շահերի պաշտպանության քարոզարշավների իրականացման նպատակով աշխատանքային գործառույթները կարող են վերանայվել ըստ անհրաժեշտության և ՀՀ օրենսդրությամբ սահմանված կարգով:

4. Դիմողները/հայտատուները

Ենթադրամաշնորհային ծրագրին կարող են դիմել ՔՀԿ-ները, ՁԼՄ-ները ստորև նշված պայմաններով:

Ենթադրամաշնորհային ծրագրի մրցույթին կարող են դիմել ՀՀ օրենսդրությամբ սահմանված կարգով այն ՔՀԿ-ները և (ՁԼՄ-ները), որոնք համապատասխանում են հետևյալ պայմաններին.

- 4.1. ՔՀԿ-ների դեպքում՝ ՀՀ օրենսդրությամբ սահմանված կարգով գրանցվել են ՀՀ արդարադատության նախարարության աշխատակազմի՝ իրավաբանական անձանց պետական ռեգիստրի գործակալությունում (այսուհետ՝ պետական գրանցում)՝ որպես ոչ առևտրային և ոչ պետական/տեղական (համայնքային) կազմակերպություն:

Ծանոթություն 1. ՔՀԿ-ների առանձնացված ստորաբաժանումները չեն կարող առանձին դիմել ենթադրամաշնորհային ծրագրին:

- 4.2. ՁԼՄ-ների դեպքում՝ ստացել են պետական գրանցում՝ որպես ոչ առևտրային կամ շահույթ չհետապնդող կազմակերպություն, կամ՝ չունեն պետական գրանցում, սակայն ստեղծվել և գործարկվում են պետական գրանցում ունեցող ոչ առևտրային կամ ոչ պետական/տեղական (համայնքային) կազմակերպության կողմից:

Ծանոթություն 2. Ենթադրամաշնորհային ծրագրերի ֆինանսավորում ստանալու հավակնություն չեն կարող ունենալ այն ՔՀԿ-ները և ՁԼՄ-ները, որոնք ստեղծվել են պետական, տեղական (համայնքային) կամ առևտրային կազմակերպությունների (մարմինների) կողմից:

- 4.3. Ավարտել են «Բյուջեներ քաղաքացիների համար» ծրագրի շրջանակներում ՔՀԿ-ների և ՁԼՄ-ների հմտությունների զարգացմանն ուղղված ուսումնական ծրագրերը⁸՝ հայտարարությամբ նշված բոլոր պայմաններին համապատասխան և

⁸ <https://budgets.am/1596.html> , <https://budgets.am/3291.html>

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

ստացել են «Բյուջեներ քաղաքացիների համար» ծրագրի կողմից ուսումնական ծրագիրը ավարտելու հավաստագիրը:

4.4. Դիմել են «Բյուջեներ քաղաքացիների համար» ծրագրի շրջանակներում թիրախային ուղղություններով բյուջեի մոնիթորինգ և վերլուծություն իրականացնելու նպատակով հայտարարված ենթադրամաշնորհային հայտերի մրցույթին:

4.5. Համաձայնվում են դիմել Ծրագրի շրջանակներում հայտարարվող թիրախային ուղղություններով շահերի պաշտպանության քարոզարշավներ իրականացնելու նպատակով ենթադրամաշնորհային ծրագրերին: Համաձայնության բացակայության դեպքում, յուրաքանչյուր դեպքով Ծրագիրը (Դրամաշնորհային հանձնաժողովը) հայտատուի, իսկ կոնսորցիումով դիմելու դեպքում՝ Կոնսորցիումի հետ առանձին կերպով կքննարկի սույն ենթադրամաշնորհի տրամադրման ժամկետը և բյուջեն:

4.6. Հաղթող ճանաչվելու դեպքում ՔՀԿ-ները և ՋԼՄ-ները համաձայնվում են մասնակցել մեկօրյա պարտադիր ուսուցման՝ «Բյուջեներ քաղաքացիների համար» ծրագրի ներկայացուցիչների հետ՝ ենթադրամաշնորհների իրականացման ընթացքի վերաբերյալ փորձագիտական, այդ թվում՝ ֆինանսական խորհրդատվություն ստանալու նպատակով: Կոնսորցիումով դիմելու դեպքում, պարտադիր ուսուցմանը պետք է մասնակցեն կոնսորցիումի յուրաքանչյուր անդամ ՔՀԿ-ը/ՋԼՄ-ը:

Ծանոթություն 3. Նշված դասընթացին և քննարկմանը մասնակցելուց հրաժարված ՔՀԿ-ների և ՔՀԿ-ների կոնսորցիումների հետ ենթադրամաշնորհային համաձայնագիր չի կնքվի:

4.7. Անմիջական պատասխանատվություն են կրում իրենց ենթադրամաշնորհային ծրագրի նախապատրաստման և ամբողջական իրականացման համար:

4.8. Կոնսորցիումի միջոցով ներկայացվելիք ենթադրամաշնորհային ծրագրի հայտի դեպքում պետք է սահմանվի, որ երիտասարդ մասնագետի հետ աշխատանքային պայմանագիր է կնքում բյուջեի մոնիթորինգի և վերլուծության նպատակով ենթադրամաշնորհին դիմած հիմնական կազմակերպությունը:

4.9. ՋԼՄ-ների կողմից ներկայացրած ենթադրամաշնորհային ծրագրի դեպքում՝ ծրագրի հիմնական հայտատու պետք է լինի ՋԼՄ կամ կոնսորցիումի անդամներից առնվազն մեկը պետք է լինի ՋԼՄ: Սույն հայտարարության իմաստով ՋԼՄ-ին վերաբերող պահանջները ներկայացված են 5.2 կետում:

5. Բյուջեն և թույլատրելի ծախսերը

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

Ծրագրի շրջանակներում ՔՀԿ-ներին տրամադրվելու է մինչև 8 ենթադրամաշնորհ՝ մինչև 2,565,000 (երկու միլիոն հինգ հարյուր վաթսուհինգ հազար)՝: Տրամադրված ենթադրամաշնորհը ամբողջությամբ պետք է ուղղված լինի երիտասարդ մասնագետի աշխատավարձին, որի հետ կնքվում է առնվազն մեկ տարվա աշխատանքային պայմանագիր, նախատեսելով 213,750 (ներառյալ հարկերը և ՀՀ օրենսդրությամբ նախատեսված այլ Վճարումները) ՀՀ դրամ ամսական աշխատավարձ, շաբաթական մինչև 40 ժամ աշխատանքի տևողությամբ: Ամեն դեպքում, տրամադրվող բյուջեի չափը դիտարկվելու է սույն հայտարարության 5.5 կետի սահմանված պայմանների առկայության հաշվառմամբ:

Ենթադրամաշնորհի տրամադրման պաշտոնական ժամկետից առաջ կատարվելիք, ինչպես նաև ենթադրամաշնորհի հետ առնչություն չունեցող ծախսերը չեն ընդունվի: Ֆինանսավորվելու են միայն այն գործողությունները, որոնք նշված են սույն հայտարարության 4.3 կետում:

6. Հայտերի գնահատումը և ընտրության չափանիշները

Հայտերի գնահատումը և ընտրության չափանիշները ներկայացված են ԻՀԱ-ի գնումների քաղաքականության 2-րդ հավելվածով, որը վերաբերում է «Բյուջեներ քաղաքացիների համար» ծրագրի շրջանակներում տրամադրվող ենթադրամաշնորհների ընթացակարգին:

7. Ենթադրամաշնորհային հայտի ներկայացման կարգը

Բոլոր հետաքրքրված ՔՀԿ-ներին և ՁԼՄ-ներին, որոնք համապատասխանում են սույն հայտարարությամբ ներկայացված պահանջներին, հրավիրում ենք մասնակցելու սույն մրցույթին՝ լրացնելով սույն հայտին կցված ձևաթուղթը:

Ենթադրամաշնորհային հայտին կից պետք է ներկայացվեն հետևյալ փաստաթղթերը.

- Ծրագրի շրջանակներում բյուջեի վերլուծություն և մոնիթորինգ իրականացնելու, այդ թվում՝ թիրախային ոլորտի պարզեցված բյուջեներ մշակելու նպատակով հայտարարված ենթադրամաշնորհային մրցույթին դիմելու մասին հավաստման ներկայացում:
- Կոնսորցիումի դեպքում՝ բոլոր անդամների կողմից գրավոր համաձայնություն այն մասին, որ երիտասարդ մասնագետի հետ աշխատանքային պայմանագիրը կնքվելու է հիմնական հայտատուն, սակայն մասնագետի աշխատանքային գործառույթները ուղղված են լինելու ծրագրային գործողությունների կատարմանը անկախ այն հանգամանքից, թե որ կազմակերպությունն է կոնկրետ բաղադրիչի պատասխանատուն:
- Գրավոր համաձայնություն այն մասին (առկայության դեպքում), որ հայտատուն, իսկ կոնսորցիումով դիմելու դեպքում՝ Կոնսորցիումը, դիմելու է Ծրագրի շրջանակներում թիրախային ուղղություններով շահերի պաշտպանության քարոզարշավներ իրականացնելու նպատակով հայտարարված ենթադրամաշնորհային ծրագրին և երիտասարդ մասնագետը ներգրավվելու է այդ ծրագրում նույնպես:

⁹ Ենթադրամաշնորհի բյուջեի չափը կարող է փոխվել՝ ելնելով արտարժույթի փոխանակման փոխարժեքից:

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

Բոլոր փաստաթղթերը հարկավոր է ներկայացնել հայերեն լեզվով: Անհրաժեշտության դեպքում ենթադրամաշնորհային հանձնաժողովը դիմողներից կարող է պահանջել հավելյալ փաստաթղթեր, ինչպես նաև ներկայացված փաստաթղթերի բնօրինակները:

8. Ժամկետը

Ենթադրամաշնորհային ծրագրերի տևողությունը 12 (տասներկու) ամիս է: Ամեն դեպքում, ժամկետի հարցը դիտարկվելու է սույն հայտարարության 3 և 4.5 կետերի սահմանված պայմանների առկայության հաշվառմամբ:

9. Այլ պահանջներ

Ենթադրամաշնորհային հայտի ձևը, հավելվածները և կից փաստաթղթերը պետք է ստորագրված լինեն Ծրագիրը ղեկավարող կազմակերպության ղեկավարի կողմից և կնքված լինեն տվյալ ՔՀԿ-ի/ԶԼՄ-ի կնիքով:

Ամբողջական հայտն ու կից փաստաթղթերը էլեկտրոնային տարբերակով անհրաժեշտ է ուղարկել info@armla.am էլեկտրոնային փոստի հասցեով՝ նամակի վերնագիրն անվանելով՝ «Բյուջետային ոլորտի երիտասարդ մասնագետների ենթադրամաշնորհային հայտ»:

Ուշադրություն. առձեռն ներկայացված հայտերը չեն դիտարկվի:

Սույն փուլի հայտերի ներկայացման վերջնաժամկետն է **2025թ. հունիսի 10-ը, ժամը 18:00-ը:**

Ներկայացված հայտը և կից փաստաթղթերը հետ չեն վերադարձվի հայտատուին՝ անկախ այն հանգամանքից՝ հայտը ընդունվել է, թե ոչ: Պահանջվում է ուղարկել փաստաթղթերի միայն մեկ փաթեթ:

Ենթադրամաշնորհների հետ կապված բոլոր հարցերը լուծվում են՝ ԻՀԱ դրամաշնորհների տրամադրման քաղաքականության համաձայն:

Ենթադրամաշնորհի տրամադրման վերաբերյալ որոշումները կընդունվեն **մինչև 2025թ. հուլիսի 2-ը:** Հաղթողների վերաբերյալ տեղեկատվությունը կհրապարակվի Ծրագրի կայքում՝ <https://budgets.am/>:

Ենթադրամաշնորհների իրականացման սկիզբը **2025թ.-ի հուլիսի 15-ն է:**

Ծրագրային առաջարկի վերաբերյալ հարցեր կամ պարզաբանումներ ունենալու դեպքում, դրանք կարող եք գրավոր կարգով ներկայացնել info@armla.am հասցեին, որոնք կամփոփվեն և պատասխանները կներկայացվեն իրազեկման (տեղեկատվական) հանդիպման ընթացքում:

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

Տեխնիկական հարցերի դեպքում կարող եք կապ հաստատել Ծրագրի դրամաշնորհների համակարգող Արտակ Սարիբեկյանի հետ՝ զանգահարելով +37410 540199 հեռախոսահամարով, կամ էլեկտրոնային նամակով՝ info@armla.am հասցեով:

10. Իրազեկման հանդիպումներ

Սույն հայտարարությամբ նախատեսված ենթադրամաշնորհների մասին ՔՀԿ-ներին/ԶԼՄ-ներին իրազեկելու նպատակով Ծրագրի կողմից կազմակերպվելու են իրազեկման առցանց հանդիպումներ, որոնց մասնակցելու և գրանցվելու վերաբերյալ հայտարարությունը կտեղադրվի Ծրագրի կայքում¹⁰ և Ֆեյսբուքյան հարթակում¹¹:

Ծանոթություն 4.

Հայտարարության մեջ նշված ժամկետները և պայմանները անհրաժեշտության դեպքում կարող են փոփոխվել: Փոփոխությունների դեպքում տեղեկատվությունը կհրապարակվի Ծրագրի կայքում:

Ուշադրություն.

Այն հայտերը, որոնք կներկայացվեն սահմանված ժամկետից ուշ և/կամ չեն ընդգրկի պահանջվող ամբողջ տեղեկատվությունը կամ չեն բավարարի Ծրագրի պայմաններին, չեն դիտարկվի:

Սույն հայտարարությանը կից փաստաթղթերը.

1. ԻՀԱ դրամաշնորհների տրամադրման քաղաքականություն,
2. Ենթադրամաշնորհային առաջարկի հայտի ձև,
3. Հավելված 1. Ծրագրի տրամաբանական կառուցվածք,

¹⁰ <https://budgets.am/>

¹¹ <https://www.facebook.com/profile.php?id=100090358352230>